

ლიცეოს სურული საშუაში



საშურის მუნიციპალიტეტის ბაზეთ „საშურის მოამბის“ ღამათეპა
№6, 10 ივლისი, ორშაბათი, 2023 ველი



ერთი ლექსი

მითხარ, სურამო...

მადლობიაო –
ასე მითხრეს
სურამელეებმა,
სადაც ლესია
დასვენება მოისურვაო.
იყოს მადლობი,
დაღლილობა
სულ არ მერევა,
ჰოი, სურამო!
ეს ნაძვის სუნი
ყველა სუნზე
უტკბილესია,
ფილტვებს უხარის,
ჰაერს უხარის...
აქ, თუნდაც ერთხელ,
თუ წამოგცდა,
თუ თქვი – ლესია,
შრიალს დაინყებს
ეს ნაძვნარი
და ეს მუხნარი.
უთქვამთ, სურამში
მზე არასდროს
არ ჩასულაო,
სწორედ, აქ უნდა
დაისვენოს
კაცმა ნებისად.
მითხარ, სურამო,
ეს, ლესიას
დარჩა სუნამო,
თუ მარტოოდენ
სურნელია
ნაძვნარებისა?!

ჯემალ ოგაია

შეხვედრა ჰენიალთან

ფიქრში გამთლიანებული საქართველო

2023 წლის 30 მაისს, ხაშურის საბიბლიოთეკო გაერთიანების მოწვევით, ხაშურს შემოქმედი ადამიანები სტუმრობდნენ: სამაჩაბლოს მინა-წყლის შვილი, მწერალი – ქალბატონი ზეინაბ მეტრეველი, აფხაზეთის პირმშო, მწერალი გურამ ოდიშარია და ცხინვალში დაბადებული და გაზრდილი, კავკასიის საერთაშორისო



უნივერსიტეტის პროფესორი, მკვლევარი ნინო მინდიაშვილი. სიმბოლური იყო, რომ შეხვედრა ქვიშხეთში, დიმიტრი ყიფიანის სახლ-მუზეუმში გაიმართა. რუსიფიკატორული რეჟიმის მსხვერპლი, საქართველოს დიდი ქომაგი, დიმიტრი ყიფიანი მასპინძლობდა რუსული პოლიტიკის მიზეზით დევნილებად ქცეულ ჩვენს სასიქადულო მწერლებს, რომლებსაც თანამშრომლის სტატუსით მიეგება ცხინვალიდან დევნილი პოეტი და მუსიკოსი შოთა დარბუაშვილი.

ლონისძიებას, კიდევ ერთი, სამაჩაბლოს მინა-წყლით ნასაზრდოები დევნილი შემოქმედი, ჩვენი თანაქალაქელი, პოეტი და ჟურნალისტი მზეგული ტყემელაშვილი ესწრებოდა.

2015 წელს ქართული წიგნის თაროზე გამოჩნდა და დიდი ინტერესიც გამოიწვია ზეინაბ მეტრეველის ქართულ-ოსური კონფლიქტის ტრაგიზმით ინსპირირებულმა რომანმა „საყდრის ჩიტები“, რომელშიც ავტორი მხატვრული ხერხებით აღწერს, თუ როგორ გადაიქცა სამაჩაბლო „სამხრეთ ალანების სახელმწიფოდ“, როგორ მიითვისეს მის საზღვრებში მოქცეული ძირძველი ქართული სოფლები ერთ დროს ძმად ნოდებულმა ერებმა. „საყდრის ჩიტების“ გაცნობის შემდეგ გოდერძი ჩოხელს ასეთი ჩანაწერი გაუკეთებია:

„საყდრის ჩიტები“ ერთგვარ ლოცვას ჰგავს, სადაც „მლოცველი თვითონ ავტორია, რომანი კი – ღმერთის იმედით სავსე და განწმენდილი“.

ნაწარმოების ერთ-ერთი პერსონაჟი, რომელიც სიკვდილს გადაურჩა, მაგრამ ისევ ოკუპირებულ სოფელშია დარჩენილი, ამბობს:

„შენ ამ ყოფას გადარჩენას უწოდებ? დავრჩი საკუთარი თავის მესაფლავედ და კიდევ – იმ იმედების მომლოდინედ, რომელსაც აქ ოდესმე უკანდაბრუნებულნი მოიტანენ. შემდეგ აფხაზეთი, შემდეგ – შიმშილი, სამოქალაქო ომი და... ეჰ, ხალხი რომ ერთმანეთს დაერევა, ასეთ დროს სამშობლოს მოძებნა და ცნობა გაგიჭირდება კაცს, ძმა ძმას რომ ესვრის, სამშობლო იმ ტყვიით კვდება“. – ამ სიტყვების წარმოთქმის მიზეზმა ასგზის დაგვაფიქრა ჩვენ, უფროსი თაობის წარმომადგენლები. ვხედავთ, ჯერი მომავალ თაობაზეა...

ლონისძიებაში აქტიურად მონაწილეობდნენ ქვიშხეთის საჯარო სკოლის მოსწავლეები, პედაგოგების – იამზე მურმანიშვილისა და ნაილი მდინარიძის ჩართულობით. ახალგაზრდებს უამრავი მასალა მოეძიებინათ მონვეულ ავტორთა შემოქმედების შესახებ და კარგად ჰქონდათ გაანალიზებული დაკარგული ტერიტორიების პრობლემა, ფსიქოლოგიური სიღრმე იკითხებოდა მათ მიერ დასმულ კითხვებში.

მოსწავლეები მონაცვლეობით კითხულობდნენ ზეინაბ მეტრეველის ლექსებს, რომელიც „საყდრის ჩიტების“ მსგავსად, მაღალფილოსოფიური აზროვნებით და მაღლიანი ქართლური დიალექტით გამოირჩევა.

ასეთივე თემატიკის მატარებელია გურამ ოდიშარიას შემოქმედებაც. როცა 1993 წელს, სოხუმის დაცემის შემდეგ, აფხაზეთის მოსახლეობის დიდი ნაწილი ჭუბერის უღელტეხილის გზას დაადგა, გურამ ოდიშარიაც მათ შორის იყო. ათასობით ადამიანის სიცოცხლე შეინირა იმ „გოლგოთის გზამ“, რომელსაც იგი სასწაულებრივად გადაურჩა.

სოხუმში ცხოვრების პერიოდში, გურამ ოდიშარია სხვადასხვა დროს მუშაობდა სოხუმის რადიო-მაუწყებლობის კორესპონდენტად, აფხაზეთის საოლქო გაზეთის კორესპონდენტად, აფხაზეთის მწერალთა კავშირის ლიტერატურულ კონსულტანტად, ჟურნალ „რინის“ მთავარ რედაქტორად, გამომცემლობა „მერანის“ აფხაზეთის ფილიალის დირექტორად.

შეუძლებელია ისაუბრო აფხაზეთის ომზე და გვერდი აუარო გურამ ოდიშარიას, როგორც მწერალს და როგორც პიროვნებას. მის შემოქმედებაში, რომელიც ათ პოეტურ კრებულსა და ხუთ რომანს მოიცავს, სიღრმისეულად არის წარმოჩენილი საზოგადოებრივი ტრავმა, სტრესი, ქართულ-რუსული პოსტკოლონიური ურთიერთობები და ამ ფონზე წამოჭრილი შიდაეთნიკური (კერძოდ, ქართულ-აფხაზური) კონფლიქტი.



გურამ ოდიშარიას შემოქმედება სწორედ, იმ ხიდის ფუნქციას ასრულებს, რომელსაც ქართველთა და აფხაზთა შერიგების მისია აკისრია; მას ერთნაირი ინტერესით კითხულობს ქართველიც და აფხაზიც. ნაწარმოებებში დასმული პრობლემური კითხვები ითხოვს პასუხს, ანალიზს. ომის გამომწვევი მიზეზების, შედეგებზე პასუხისმგებლობისა და ერთმანეთთან დასაბრუნებელი გზების ძიებისადმი ობიექტური მიდგომა შესაძლებელს ხდის, გაიხსნას კარი, რომელიც „მესამე ძალამ“ ჩაკეტა.

სამაჩაბლო და აფხაზეთი – ეს ის ჭრილობაა, რომელსაც გამაყუჩებელი აბები კი არა, ძირფესვიანი, სათანადო მკურნალობა სჭირდება, თანაც, დროული. მეტადრე მაშინ, როცა გრძნობ, რომ დრო, როგორც კარგი ანესთეზიოლოგი, ისე „მუშაობს“.

სწორედ, ამიტომაც არის მნიშვნელოვანი, ახალგაზრდა თაობა ხშირად შეხვდეს საქართველოს ბოლო ათწლეულების ხვედრით ტრავმირებულ ადამიანებს...



ის, რაც უფროსმა თაობამ დღემდე ვერ შეძლო, მათ უნდა იტვირთონ. საქართველოს ოკუპირებული ტერიტორიებიდან იძულებით გადაადგილებულ მწერლებთან ახალგაზრდების შეხვედრა მეტად მნიშვნელოვანი იყო მათი ცნობიერებისა და მამულიშვილური გრძნობის ამაღლების თვალსაზრისითაც.

საინტერესო იყო ავტორთა საუბარი წარსულზე, აწმყო-მომავალზე. მონოდება ახალგაზრდობისადმი, - ყოველთვის ახსოვდეთ, რომ სამაჩაბლო და აფხაზეთი საშველად გვიხმობს...



პროფესორმა ნინო მინდიაშვილმა, როგორც მკვლევარმა, ქართულ-ოსური ურთიერთობების მსხვერვის მიზეზ-შედეგებზე და ამ ტრამვების ლიტერატურაში ასახვის შესახებ ისაუბრა.

შესაძლოა, ვერც მკითხველმა და ვერც მსმენელმა ავტორისეული ტკივილი ბოლომდე ვერ გაითავისოს, მაგრამ ეპოქისა და ადამიანის ფსიქიკის დამანგრეველ პერიოდზე რომ დააფიქრებს, ნამდვილად, მჯერა.

ერთმანეთს ენაცვლებოდა ლექსი და სიმღერა: „გამარჯობა, აფხაზეთო, შენი!“ „სამაჩაბლოს გადავიხდი ქორწილს“ და სხვანი...

ლონისძიება, მთელი თავისი დატვირთვით, ჰგავდა ლოცვას და სურვილს: არასოდეს დაგვიწყებოდა სამაჩაბლო და აფხაზეთი!

შეხვედრის ბოლოს მასპინძელმა ორგანიზაციამ სტუმრებს სპეციალურად მათთვის დამზადებული, შესაბამისი თემატიკის ამსახველი საჩუქრები გადასცა.

როგორც ყოველთვის, ამ დღის ბოლოსაც, ნოდარ დუმბაძის სიტყვები ამეკვიცა:

„ქვეყნის სიყვარულს საყველპუროდ და საარშიყოდ ნუ გაიხდით, სამშობლო როსკიპი ქალი არ არის, მთვრალს რომ მოგენატრება და მაშინ გაიხსენებ, სამშობლო ტაძარია სალოცავი. მუხლზე დაჩოქილი უნდა იდგე მის საკურთხეველთან, ცალი ხელით პირჯვარს უნდა იწერდე, მეორეთი კი ხმალს იქნევდე, ეშმაკები რომ არ დაეპატრონონ... და კიდევ ერთი, შესანიშნავი მიტანა ვერავინ ვერ უნდა მოგასწროს ამ ტაძართან“.


ზეინაბ მეტრეველმა და გურამ ოდიშარიამ გულიდან ვერ მოიწყვიტეს მამულზე ფიქრი და მის საკურთხეველთან სიმშვიდე დადეს შესანიშნავად...

კლარა გელაშვილი – პოეტი, საშურის საბიბლიოთეკო გაერთიანების დირექტორი

შალვა ჩინჩალაძე ბროლოსნის საჯარო სკოლის დარაჯი გახლავთ და, არც მეტი, არც ნაკლები, თავის სათქმელს, ცხოვრებისეულ გამოცდილებასა თუ გულისტკივილს შეუნიღბავი უბრალოებით ლექსებად გადმოსცემს.

74 წლის გამრჯე, გონებამახვილ შალვა პაპას საქართველო და მშობლიური საშური გამორჩეულად უყვარს.

დღეგრძელობას და მხნეობას ვუსურვებთ ბატონ შალვას და მისი სამშობლოს მალე გაბრწყინებას.



საშურს

არ დაიღალე, კალამო, სიმართლის იყავ მსახური, ჩვენ კი, მუდამდღე გვიყვარდეს ჩვენი მშობელი საშური, - სადაც რომ ხალხის ნაკადი არ წყდება, ჩვენო ქალაქო, ყველა გზის დერეფანი ხარ, შენით ამიტომ ვამაყობთ!

აკაკი წერეთელს

დიდ იუბილეს გილოცავთ, ჩვენო მგოსანო, აკაკი, მსურს, დანვრილებით გადმოგცე ჩვენი სამშობლოს ავ-კარგი. ცა-ფირუზ, ხმელეთ-ზურმუხტი თითქმის მთლიანად სხვისია, ზოგს რომ გროშებად მიყიდეს, ბევრსაც მიართვეს ნისიად. მრცხვენია, ამას რომ გინერ - მოკრძალებული ავტორი, რა გვეშველება ქართველ ხალხს?! ვინ გვეყოლება პატრონი?!

დაცლილი საქართველო

ცაზე ჩამონვა შავი ღრუბელი, სოფლებში ჩაქრა ცხელი ღუმელი, გამოიკეტა ირგვლივ სახლები, ცხოვრება გახდა თავში სახლელი! მიდიან, მაგრამ მათ რა იციან, უცხო მიწაზე როგორ იწვიან! ვერ დაიღებენ იქ მყუდრო ბინას, გაითენებენ უმზეო დილას... აქ მოსავალი გლეხებს უღებდა, ხალხის სალარო კი იქურდებდა!.. და იღუპება ერი და ბერი, ვერც ღმერთი გვეშველის, ველარცა - მღვდელი!

Official certificate from the National Library of Georgia. Title: 'დიპლომი ნომინაციაში საუკეთესო სცენარი'. Recipient: 'ქ. საშურის... შალვა და მონაქიძე...'. Issued by: 'ხელმძღვანელი: ეკატერინე ჭაქრაძე'. Date: 'ბათუმი, 2023 წელი'.

Official certificate from the National Library of Georgia. Title: 'დიპლომი ნომინაციაში საუკეთესო დიგრაფიკული საუკეთესო'. Recipient: 'ქ. საშურის... შალვა და მონაქიძე...'. Issued by: 'ხელმძღვანელი: ეკატერინე ჭაქრაძე'. Date: 'ბათუმი, 2023 წელი'.



პოეზია

ოდა ხაშურს



მანანა ხანიასძე

ცისკრის ხომლებს გაიყოლებს მტკვარი,
ქედზე სხივთა გაჩაღდება ლელო,
ქუჩაბანდებს ჩამოურბენს ქარი,
ირიჟრაჟებს შენთვის, საყვარელო.
არსად არის შენი მოლის ფერზე
საამო და მზის სადიადემო,
კავკასიის მთიანეთის მკერდზე
ნებიერად შეფენილო, ჩემო.
აარიდე ვარამი და თალხი,
მონყალებით გევედრები, ერთო,
მისი ცა და მისი სათნო ხალხი
შენი კალთით დაიფარე, ღმერთო.
ხაშურია ასე, მხნე და ლალი,
ხაშურია ასე, სასახელო.

მფარველ ანგელოზს

ვაიმე, ჩემო ანგელოზო, როგორა გცივა...
ვაიმე, ჩემო ანგელოზო, როგორა გტკივა...
ვინ გაგიმეტა, ვინ დაგაგდო
ჩემი უსვეო ყოფის ხელცეცება ლაბირინთებში ჩემად მეოხად...
შენ დაიქანცე ქიმერებთან სასტიკ ომებში,
შენ დაიხლართე ავით ნაქსელ ფანდთა წვდომებში
და აღარ იცი, ვით უძალო, ენო საშველს,
რომ მიქომაგო, როგორც შენის ქეშმარიტ მფარველს.
ხოლო მე, უკვე ხელჩაქნეულს, ნებით გუებულს,
რა რიგადა მსურს, დამაშვრალი, მკერდზე მიგიყრდნო,
რომ ჩემი მწირი შემწეობით, უკეთური ერთად ვირიდოთ.
და აი, ჩემო, გვემისაგან სისხლდადენილო, განცდით რჩენილო,
ნარბევს და ნაბრძოლს სიმწუხარის ცრემლები გცივა,
როგორა გტკივა, ჩემო საბრალო ანგელოზო, როგორა გცივა...

ჩემს ზოდიაქოს, მშვილდოსანს

მოზურულ ცაზე ქადილით ელავს,
ზესთა ზის ფიცით დანაბარები
და ნაქარიშხლარ, ახოვან მხრებზე
აბჯრებს ირგებენ ცხენ-ფაფარები...
და გაკუმტებულ კაბადონებზე
ფლოქვთა გრიალი ქუხს დაუნჯებით,
ფარულ განზრახვას დახარბებულნი,
ფრთებს გამართავენ ისართ ბლუჯები!..
და მოთქარუნე კენტავრთა რემა
ღრუბელს გაკვეთავს, როგორც ბრმა ტყვია
და მშვილდოსნების ნაიარევი
ნაომარ ზეცას ელდად ატყვია.

თმენის სამანი აშლია ლოდინს,
წვიმათა ბორგვას ხალისი მიაქვს,
აგორებულა სურვილის ლოდი,
იხსენებს ზეცას, ცხრათვალას, მზიანს...
შემოდგომა კი, მოდის და მოდის,
ლიმილით უმზერს ფოთოლთა ტრიალს,
მზე დაბრუნდება როდის და როდის? –
პეშვით დამაყრის სხივების ბრიალს.

შენთან როგორ არის, სულო, შენთან,
შენთან რამე ხდება, ნეტავ?
მე შენკენ ვმდორეობ, შენ კი გამირბიხარ,
ვიცი, გულში სარკმელს კეტავ.
ტალღა როგორ შფოთავს, თოლია რას კივის,
ჩიტები რას სტვენენ ერთად?
ჩემი სიყვარული, ასე, დაქანცული,
როგორ მოვანვდინო შენთან...
აი, გაზაფხულმაც მაინც თავისი ქნა,
მაინც მოვისწრაფვი შენთან,
ასე, უსაშველოდ, რატომ მენატრები,
ღმერთო, როგორ მტკივა მკერდთან.

თავდაუზოგავი, მყისი გააფთრებით,
სამყაროს ბჭის კარი მე გაგაღებინე,
მერე, ვარაყიან, მოოჭვილ ქარქაშში
ელვა-სატეგარი არ ჩაგაგებინე!..
ცამდე აზიდული ბზილა კოშკები
ასე, აგურ-აგურ, მძლედ აგაგებინე,
მერე, ჭრელა-ჭრულა ნოხ-ფიანდაზები
სავალ-საგოგმანოდ ძირს დაგაგებინე.
ცხოვრების ტკბილ-მწარეს ისე გაზიარე,
სიცოცხლის მისხალი არ წაგაგებინე,
ამდენი ვიტანჯე, ამდენი ვცადე და...
მიყვარხარ-მეთქი, ვერ გაგაგებინე.

... და, თუ გალიგვულ, ლოდად ქცეულ, ცხედარ სხეულზე
მარწუხებით ამაგლიჯავთ სულს ნატუსალარს,
მე გამოგყვებით...
გამოგყვებით ხელებანვდილ-გამოგლოვილი,
იდუმალი, ლივლივა რხევით,
ვით უნაზესი, გამჭვირვალე რბილი ქსოვილი.
წამოვალ, რათა იმ კოსმიურ სხივთა ციალზე
წარწარად კრთოდეს ჩემი სული, ცად ამოსული,
ვით მარსიასის ნატანჯი კანი ფლეიტის ხმაზე.
დაე, წყარო, წყარო ღვთიური ენერჯის,
უთბილესი და უამესი ცის ათინათი,
ვით ცისარტყელა, გარდამავალ, ნაზი ფერებით,
გამაბრუებელ სალბუნში მხვევდეს ხმით, მოფერებით,
მაგიური თრიაქით მქისე „იავნანათი“...
და ქნას წყალობა, რომ სამუდამოდ დამიმშვიდოს
მარტვილი და მტეხარი ღმობა,
რათა არ მისცეს გასაქანი დაუოკებელ,
მბორგავ ხვაშიადს, – ძნელსა და დიადს,
და თქვენც, მორჭმულნო, ცნობისმოყვარე, მომლოდინე,
მშფოთი ფეხებით, უსასრულობის უფსკრულში ნაგდებ,
ჩემს ზღაპრულ ჭურჭელს,
გთხოვთ, დასამსხვრევეად ნუ შეეხებით...